

Vnd schmyeren sich mit affen schmalz  
Vnd dunt entbllossen jren halß  
Vilring vnd grosse ketten dran  
Als ob sie vor Sant lienhart stan  
Mit schwebel / hartz / büffen das har  
Dar in schlecht man dan eyer klar  
Das es jm schusselkorb werd krus  
Der hencet den kopff zum fenster vß  
Der bleicht es an der sunn vnd für  
Dar vnder werden lüse nit dür  
Die trügen yetz wol in der welt  
Das düt all kleider sindt vol fels  
Röck / mentel / hembder vnd brustdurch  
Pantoffel / Styffel / hosen / schüch  
Wild kappen / mentel / vmblouff dran /  
Der jüdisch syt wil gantz vffstan  
Dann ein fundt kum dem andern wicht  
Das zeygt / das vnser gmüt ist licht  
Vnd wanckelbar in alle schand  
Vilnüwrung ist jn allem land  
Kurtz schäntlich vnd beschrotten röck  
Das einer kum den nabel bddck  
Phfuch schand der tütschen nacion  
Das die natur verdeckt wil han  
Das man das blößt / vnd sehen lat  
Dar vmb es kleider übel gat  
Vnd wurt bald han ein böfern stand  
We dem der vrsach gibt zu schand  
We dem auch der solch schand nit strofft  
Im wurt zu lon das er nit hofft



7.